

Служба священномученикам Николаю Хвощеву и Александру Никольскому, пресвитерам (17 сентября н.ст.)

На Господи, возвах: стихирь, глас 1.

Прехвальнии священномученицы Николае и Александре,/ вас ни темница изнурила есте,/ ни глад уморил, ни озлобления и раны смятоша,/ во еже разлучити вас от любви Божия/ и благодарованныя паствы./ Темже Христу, святии, молитесь/ даровати Церкви нашей// мир и велию милость.

Всехвальнии священномученицы Николае и Александре,/ от братьей по плоти страдания до крове претерпевая,/ в себе помышляли есте,/ яко Господа ради умерщвляеми есмы/ и несть наша брань противу плоти и крови,/ но к миродержителю тьмы века сего./ Темже Христу, святии, молитесь,// даровати земли нашей мир и велию милость.

Преславнии священномученицы Николае и Александре,/ вы жертву безкровную первее благоговейне совершая,/ послежде, яко всеплодие,/ себе самих в жертву живую принесли есте,/ моля, да простится грех богоборчества народа нашего./ И ныне Христу, святии, молитесь/ даровати людем российским// мир и велию милость.

Слава, глас тойже:

Церкве Российския славо/ и Отечества нашего украшения,/ священномученицы Николае и Александре,/ властью, от Бога вам данною,/ ругатели безбожныя обличали есте,/ и, яко волки лютыя, от стада вашего отгнали есте/ и диавола посрамили есте,/ кровь же ваша, яко Авелева,/ от земли нашей вопиет немолчно./ Сего ради ходатаи на Небеси о нас вернии будете// и молитесь спасти души наши.

И ныне, Богородичен: Всемирную славу:

Вход. Прокимен дне. И чтения три.

Деяний святых апостол чтение (глава 4):

Во дни оны, глаголющим же апостолом к людем,/ найдоша на них священники и воевода церковный, и саддукеи,/ жалеюще си, за еже учити им люди и возвещати о Иисусе воскресение мертвых;/ и возложша на

них рѹки и положиша их в соблюденіе до ѹтрия:/ бе бо вѣчер уже./ Мнози же от слышавших слово вероваша:/ и бысть число мужей яко тысящ пять./ Бысть же наутрие собратися князем их, и старцем, и книжником во Иерусалим:/ и Анне архиерѣю, и Каиафе, и Иоанну, и Александру,/ и елицы бѣша от рода архиерѣйска./ И, поставльше их посреде, вопрошаху:/ кою силою, или коим именем сотвористе сие вы?/ Тогда Петр, исполнився Дѹха Свята, рече к ним:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чем сей спасѣся,/ разумно буди всем вам и всем людем Израилевым,/ яко во имя Иисуса Христа Назорея,/ Егоже вы распясте,/ Егоже Бог воскресил от мертвых,/ о сем сей стоит пред вами здрав./ Сей есть камень, укоренный от вас, зиждущих,/ бывый во главу ѹгла,/ и несть ни о едином же ином спасения:/ несть бо иного имени под небесем, даннаго в человецех,/ о немже подобает спастися нам.

Деяний святых апостол чтение (глава 4):

Во дни оны, видяще иудѣи Петрово дерзновение и Иоанново и разумевше,/ яко человека не княжна еста и проста, дивляхуся,/ знаху же их, яко со Иисусом бѣста:/ видяще же исцелѣвшаго человека с ними стояща,/ ничтоже имяху противу рещи./ Повелевше же има вон из сонмища изыти,/ стязавшася ко друг другу, глаголюще:/ что сотворим человека сима?/ Яко убо нарочитое знамение бысть има,/ всем живущим во Иерусалиме яве,/ и не можем отрещися:/ но да не более прострѣтся в людех,/ прещением да запретим има кому не глаголати о имени сем ни единому от человек./ И призвавше их,/ заповѣдаша има отнюдь не провещавати, ниже учити о имени Иисусове./ Петр же и Иоанн, отвѣщавше к ним, рѣста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Они же, призапрещше има, пустиша я,/ ничтоже обрѣтше, како мучити их, людей ради,/ яко вси прославляху Бога о бывшем:/ лет бо бѣше множае четыредесяти человек той,/ на немже бысть чудо сие исцеления.

Деяний святых апостол чтение (глава 4):

Во дни оны, отпущена бывша апостола приидоста ко своим и возвестиста,/ елика к ним архиерѣи и старцы рѣша./ Они же, слышавше,

единодушно воздвигоша глас к Богу и рекoша:/ Владыко, Ты, Боже, сотворивый небо и землю и море и вся, яже в них,/ Иже усты Давида, отрока Твоего, рече:/ вскую шаташася языцы и людие поучишася тщетным?/ Предсташа царие земстии,/ и князи собрашася вкупе на Господа и на Христа Его./ Сбращася бо воистину во граде сем на святого Отрока Твоего Иисуса,/ Егоже помазал еси,/ Ирод же и Понтийский Пилат, с языки и людьми израилевыми,/ сотворити, елика рука Твоя и совет Твой предначерче быти./ И ныне, Господи, призри на прещения их/ и даждь рабом Твоим со всяким дерзновением глаголати слово Твое,/ внегда руку Твою прострети Ти во исцеления,/ и знамением и чудесем быватьи именем святым Отрока Твоего Иисуса./ И помолившимся им, подвижеся место, идеже бяху собрани,/ и исполнишася вси Духа Свята,/ и глаголаху слово Божие со дерзновением.

На стиховне стихиры, глас 6

Столпи непоколебимии Русския Церкви были есте,/ гонения лютая претерпевая,/ день и ночь в молитве подвизались есте,/ священномученицы Николае и Александре,/ огнем ревности и духом кротости/ паству вашу ко Христу путеводя,// тем вас любовью почитаем.

Стих: Священники Твоя облекутся в правду// и преподобнии Твой возрадуются.

Вернии Богу и Церкви были есте даже до смерти,/ священномученицы Николае и Александре,/ ныне же, с лики новомученик и исповедников Российских/ предстоя Христу Царю,/ молитесь с ними прилежно// даровати нам мир и велию милость.

Стих: Честна пред Господем// смерть преподобных Его.

Душевная и телесная страдания ваша/ и смерть за Господа вольная от безбожных/ отверзоша вам, святии Николае и Александре,/ врата жизни вечныя/ и укрепisha братьев ваших исповедати Христа./ Темже Ему молитесь присно,// да утвердятся Православие на Руси во веки.

Слава, глас 4:

Ангели страданием вашим дивляхуся,/ и Церковь Небесная радостно вас прият,/ достохвальнии Николае и Александре,/ Ныне же, священнеи

руце ваши/ к Престо́лу Святы́я Трои́цы простира́я,/ помина́йте зѣмлю
Ру́сскую,/ ю́же возлю́били есте,// моля́ о спасѣнии сла́вящих вас
благоче́стно.

И ны́не, Богоро́дичен, глас то́йже:

При́зри на моле́ния Твои́х раб, Всенепоро́чная,/ и вся́кия ско́рби
изба́ви зѣмлю Ру́сскую,/ до́м Твой наре́ченную/ и кровью́ ново́мученик
освяще́нную./ Да не постыди́мся, Влады́чице Держа́вная,/ Ты
призыва́ющей,/ Ты бо еси́ правосла́вных по́мощь,/ ра́дость и покрóв// и
спасѣ́ние душ на́ших.

Тропа́рь, глас 3:

Цѣркве Ру́сския сто́лпи непоколебѣ́мии,/ благоче́стия пра́вило,/
жити́я ева́нгельскаго о́бразы,/ священно́мученицы Николае и
Алекса́ндре,/ Христа́ ра́ди пострада́вшии да́же до кро́ве,/ Егóже
моли́те усѣ́рдно,/ я́ко Нача́льника и Соверши́теля спасѣ́ния,/ Русь
Святу́ю утверди́ти в Правосла́вии// до сконча́ния ве́ка.

НА УТРЕНИ

По стихослóвии седа́лен, глас 6:

Сквозѣ́ огнь мучѣ́ния, я́ко свидѣ́телие ве́рнии, прошли есте,/
блаже́ннии Николае и Алекса́ндре,/ сего́ ра́ди с ли́ки святы́х земли́
Ру́сския/ в Небе́сном Оте́честве торже́ству́ете./ Помози́те и нам бы́ти
ве́рными Христу́ и спастѣ́ся душам на́шим.

Сла́ва, и ны́не, Богоро́дичен:

О Всепѣ́тая Дѣ́во,/ Ты ве́мы Покрóв земли́ Ру́сския,/ Тебе́ бо, грѣшнии,
има́мы предста́тельство,/ Тебе́ стяжа́хом в напáстех спасѣ́ние,/ Еди́ну
Всенепоро́чную.

Велича́ние:

Велича́ем вас,/ священно́мученицы Николае и Алекса́ндре,/ и чтим
честна́я страда́ния ваша,/ я́же за Христа́ во утвержде́ние на Русѣ́
Правосла́вия// претерпе́ли есте.

Псалóм избра́нный:

1-й лик: Бог нам Прибѣжище и Сѣла, Помощник в скорбех, обретших ны зело.

2-й лик: Господи, воздвѣгни силу Твою и прииди, во еже спасти ны.

1-й лик: Глаголах о свидѣніих Твоих пред царі и не стыдѣхся.

По полиелѣи седáлен, глас 1:

Дóблии страдáльцы и служителие Таин Бóжих, / священномученицы Николае и Александре, / Цѣркве Рýсския похвалó и утверждѣние, / ны́не, прáзднующе вашу пáмять, / Бóгу, прослáвльшему вас, благодарственно вопи́ем: / слáва Дáвшему вам крѣпость во страдáніих, / слáва Венчáвшему вы, / слáва Спасáющему нас вашими моли́твами.

Слáва, и ны́не, Богорóдичен:

Предстáтельнице тѣплая и Засту́пнице усѣрдная, / в годíну безбóжия от конѣчныя погíбели / зѣмлю Рýсскую избáвляшая всемо́щным ходáтайством к Сýну Твоему, / и ны́не не оста́ви нас моли́твами Твои́ми, Влады́чице Богорóдице.

Степѣнна, 1-й антифóн 4-го глása. **Прокі́мен, глас 4: Проидóхом сквозѣ огонь и вóду, // и извѣл есѣ ны в поко́й.** Стих: Разжéгл ны есѣ, я́коже разжизáется сребро́. Всякое дыха́ние: Ева́нгелие от Матфе́я, зачáло 36.

Слава.. / Молитвами священномучеников Николае и Александре, / Милостиве.... И ны́не / молитвами Богородицы.. Помилуй...

И стихі́ра, глас 6:

Егда́ попусти́ Господь по грехóм на́шим / братоубійство, гонѣния и вѣры Христо́вы поругáние, / вы, священномученицы Николае и Александре, / Цѣркве Россійския столпи непоколебѣ́ими явѣ́лися есте / и, кровь свою́ за Христа́ проли́яли, / па́ству во едѣнстве соблюли есте. / Ны́не же, на Небесѣ́х предсто́я с ли́ки новомучеников, // моли́те спасти́ся душáм на́шим.

Канѡн, глас 4.

Песнь 1

Ирмѡс: Мѡря чермнѹю пучѣну/ невлѣжными стопѣми/ дрѣвний пешешѣствовав Израѣиль,/ крестообразными Моисѣевыми рукѣми// Амалѣкову силу в пустыни победѣл естѣ.

Святѣи священномученицы Николае и Александре, молитѣ Бога о нас.

Бѡли Бѡжией послушливы были,/ священства дар прияли есте, священномученицы Николае и Александре,/ и, за Христѣ дѣже до смѣрти пострадали,/ вѣрнии сынове Цѣркве явились есте.

Изгнѣние и разлучѣние с пѣствою вашею мужественне претерпѣли есте, священномученицы Николае и Александре,/ но ничтѡже возмѡже разлучѣти вас от любви Бѡжия.

Безбоязненно проповѣдовали есте людем покаяние, священномученицы Николае и Александре,/ да обратят сердца своя к Бѡгу/ и токмо на Него в скорбех и лишѣниях упование имут.

Богородичен: Мѣти Бѡжия,/ дом Твой, Святѣя Русь, молит Тя:/ избѣви люди Твоя от всякия нѹжды и вѣчнаго осуждѣния.

Песнь 3

Ирмѡс: Веселѣтся о Тебѣ Цѣрковь Твоя, Христѣ, зовѹщи:/ Ты моя крѣпость, Гѡсподи,// и прибѣжище, и утверждѣние.

Егда прииде испытѣние вѣры ваша, священномученицы Николае и Александре,/ страданѣе за Христѣ, яко благодѣтныи дар, прияли есте/ и крѡвию вашу Рѹсскую зѣмлю обагрили есте.

Егда прииде гонѣние от безбѡжных,/ столпи непоколебѣими Рѹсскѣи Цѣркве явились есте, священномученицы Николае и Александре,/ святѣх, яко ближних срѡдник, в пѡмощь призывѣя,/ с нимиже кѹпно нынѣ прославляетея.

Аще и умерщвлѣни были есте тѣлом, священномученицы Николае и Александре,/ обаче дѹхом кѡзни диавольския посрамѣли есте,/ имѣя Христа прибѣжище и утверждѣние.

Богородичен: Тя Предстательницу, Пречѣстая Дѣво, молим:/ преложи нашу печаль на радость и скорбилежащая избави, Заступнице наша.

Седален, глас 3:

Завѣты исповѣдников и священномучеников Христовых восприяша,/ дѹши ваша за веру Православную положили есте, святѣи,/ еюже утверждается земля Русская./ Сего ради молитесь, священномученицы Николае и Александре,/ любовью чтущим вас верными Христу до конца быти.

Слава, и ныне, Богородичен:

Не имамы иного прибѣжища, разве Тебѣ, Богородице,/ Отечества нашего усердная Заступнице:/ всяк бо, почитая Тя, надежду обретает.

Песнь 4

Ирмос: Вознесена Тя видевши Церковь на Крестѣ,/ Солнце Праведное,/ ста в чине своем,/ достойно зывающе:// слава силе Твоей, Господи.

Да не дерзают языцы рещи: где есть Бог ваш?/ Кровь бо новомучеников от земли наша вопиет:/ Господи, Господь наш, яко чудно имя Твое по всей Русстей земли.

Имже образом желает елень на источники водныя,/ сѣце вы, страстотерпцы Николае и Александре, к живоносным страданіем за Христа притекли есте,/ имиже присно священно обновляется лице земли Русския.

Вся земная ни во что вменили Христа ради,/ словом и житіем, священномученицы Николае и Александре, верных поучали есте:/ о Бозе сотворим силу,/ и Той унижит стужающия нам.

Богородичен: Стена неборимая и Покров всемогущий Россійским новомучеником явилася еси, Пресвятая Дѣво,/ темже Тя величаем.

Песнь 5

Ирмос: Ты, Господи мой,/ Свет в мир пришёл еси,/ Свет Святый, обраща́й из мра́чна неведения// ве́рою воспева́ющая Тя.

Яко лучи Со́лнца Пра́вды яви́лися есте, священномученицы Николае и Александре,/ и страда́ньми вашими мглу безбо́жия над Оте́чеством на́шим разсе́яли есте.

Егда́ безбо́жнии тща́хуся сокры́ти вас в темни́це, священномученицы Николае и Александре,/ Госпо́дь яви́ вас испове́дники Своя всем конце́м землі Ру́сския.

Ру́сския Це́ркве свети́льницы священнии Николае и Александре,/ крове́мь мученическими неуга́симо светя́ще и у Престо́ла Бо́жия предстоя́ще,/ моли́тесь о чту́щих вас.

Богоро́дичен: Иже от Де́вы неизрече́нно рождёйся, Господи,/ сохрани́ моли́твами Ея́ Це́рковь Твою́,/ Тебе́ сла́вящую правосла́вными гла́сы.

Песнь 6

Ирмос: Пожру́ Ти со гла́сом хвалёния, Господи,/ Це́рковь вопиёт Ти,/ от бесо́вския кро́ве очи́щшися/ ра́ди ми́лости от ребр Твои́х// истёкшею Кро́вию.

Восприя́ша меч духо́вный, иже есть глаго́л Бо́жий,/ безбо́жных ко́зни сокруши́ли есте, священномученицы Николае и Александре,/ и вся разжённыя стрёлы лука́ваго угаси́ли есте щито́м ве́ры Правосла́вныя.

Во священни́цах благоче́стно поживши́е и мучёния путь терпе́ливо воспри́имши́е,/ сугубую мзду на Небесе́х обре́ли есте, священномученицы Николае и Александре,/ иде́же ева́нгельски прі́сно ра́дуете́ся и весели́те́ся.

Ничто́же возмо́же разлучи́ти вас, богоприя́тнии, от любве́ Христóвы:/ ни скорбь, ни гоне́ние, ни смерть,/ вся бо сия́ си́лою Возлю́блшаго вас Господа́ препобе́дили есте, священномученицы.

Богорóдичен: Поём Тя, Предстáтельница тёплая и Застúпнице христиáн, Богорóдице Всепéтая,/ я́ко со все́ми святы́ми земли́ Рýсския мо́лиши Сы́на Твоего́ и Бо́га на́шего/ обрести́ нам ве́лию ми́лость.

Конда́к, глас 2:

Восхва́лим, ве́рнии, изря́дных во священни́цах/ и сла́вных в му́ченицах Николаа и Александра,/ Правосла́вия побóрников и благоче́стия ревни́телей,/ земли́ Рýсския кра́сное прозябе́ние,/ и́же страда́нием Небесе́ дости́же/ и та́мо тёпле мо́лят Христа́ Бо́га// спасти́ся душа́м на́шим.

Йкос:

Красу́йся и лику́й, Це́рковь Рýсская,/ я́ко благопло́дная лозы священ́ных страда́льцев израсти́вшая,/ добропобéдным муче́нием серде́ц ве́рных укрепивших,/ за́поведи Господни испóлнивших и прі́сно ева́нгельски учивших:/ прииді́те, ча́да, послу́шайте мене́,/ не убо́йтесь от убива́ющих те́ло, души́ же не могу́щих уби́ти,/ убо́йтесь же па́че могу́щаго ду́шу и те́ло погуби́ти в геéнне./ Те́мже, священномученицы Николае и Александре, моли́те Христа́ Бо́га спасти́ся душа́м на́шим.

Песнь 7

Ирмо́с: В пе́щѣ авраа́мстии о́троцы перси́дстей,/ любóвию благоче́стия па́че,/ не́жели пла́менем, опаля́еми, взыва́ху:// благослове́н еси́ в хра́ме сла́вы Твоея́, Го́споди.

Я́ко три́е о́троцы, в пе́щѣ вавилóнстей пла́менем объ́ятии, моли́твою не сгара́ху,/ та́ко вы, священномученицы Николае и Александре, во огні́ муче́ний благода́тию ве́ру сохрани́ли есте./ Сего́ ра́ди ны́не с новомученики Росси́йскими лику́ете:/ благослове́н еси́, Бо́же отце́в земли́ на́шей.

Я́коже дре́вле о́троцы, в пе́щѣ неопалѧемии, златóму истукáну не поклоні́шася,/ та́ко же и вы, священномученицы Николае и Александре, огне́м муче́ний неопалѧемии,/ безбо́жие небо́язненно облича́ли есте, взыва́я с новомученики Росси́йскими:/ благослове́н еси́, Бо́же отце́в земли́ на́шей.

Жѣртвы живые и всесожжѣние Творцѹ себѣ самих принося,
священномученицы Николае и Александре,/ с новомученики
Россійскими воспеваѣли есте:/ могущи, покарѣйтесь, яко с нами Бог
отцѣв земли нашея.

Богородичен: Яже паче ума и естества Бѣга рѣдши,
Неискусомужная Маріе,/ чтущія Тя от враг вѣдимых и невѣдимых
избави,/ Ты бо еси земли отцѣв наших Держава необорѣмая.

Песнь 8

Ирмос: Руце распростѣр, Даниїл/ львов зїянія в рѣве затчѣ;/
огненную же силу угасиша,/ добродѣтелию препоясавшеся,/ благочестія
рачители ѡтроцы, взывающе:// благословѣте, вся дела Господня, Господа.

Землю Русскую, безбѣжными гонѣнии нещадно жегѣмую,/ слезами и
кровьми вашими напоїли есте, священномученицы Николае и
Александре,/ сего ради плоды вѣры, чада церковная, возрастиѣли есте.

Злѣбы мучителей не убояѣлись есте,/ огнем любве Божественныя тѣя
препобедѣв,/ темже благодать молѣтися о нас стяжали есте,
священномученицы Николае и Александре, достохвальнии.

Благословляя гонителей ваших, блаженнии Николае и Александре,/
усердно молилися есте за них,/ да покаются и купно с вѣрными брѣтиями
благословѣт Господа.

Богородичен: Христа зрящи умерщвляема, Многопѣтая Владычица,/
и вѣдящи исполнѣние Симеонова проречѣнія, слезящи взываше:/
благословѣн еси, Бѣже, во вѣки.

Песнь 9

Ирмос: Камень нерукосѣчный/ от несекѣмыхъ горы, Тебѣ, Дѣво,/
краеугольный отсѣсѣся,/ Христѣс, совокупѣвый разстоящаяся естества.//
Тем, веселящеся, Тя, Богородице, величаѣм.

Руками беззаконныхъ убиѣни,/ жѣртвы благоприятныя и вѣльное
заколѣние Бѣгу принѣслися есте, свѣтчи Бѣгии Николае и Александре,/
Тем благодарне пѣмъ вашу почитѣемъ.

Госпóдь, исполня́я смотре́ние Своё о Цѣркви Рýсстей,/ заступники вас, священномученицы Николае и Александре, содѣла./ Тѣмже моли́тесь Емý, во благоче́стии нам пребы́вати и спасти́ся душáм нáшим.

О бѣздна блага́сти Бóжия!/ Даровá бо Бог возлю́бленным Сво́им вѣры рáди пострадáти/ и вас, священномученицы Николае и Александре,/ я́ко плоды крáснии спаси́тельнаго сѣя́ния, избрá от земли́ Рýсския.

Богорóдичен: Разорí совѣты вся, на ны воору́женные, Мáти Бóга Вы́шняго,/ и рáдости испóлни упова́ющия на Тя,/ да усѣ́рдно вси Твоё проповѣ́дуем заступле́ние.

Светíлен:

Па́ству хлѣбом сло́ва Бóжия насыща́я/ и вино́м премúдрости свяще́нныя напо́яя,/ тепло́ю любвѣ́ вашея дáры сия́ раство́рили есте, священномученицы Николае и Александре./ И ны́не вы́соким проповѣ́данием вещáете ча́дом Цѣркве Рýсския:/ присту́пите ко Гóсподу, и просвети́тесь,/ и ли́ца ва́ша не посты́дятся.

Сла́ва, и ны́не, Богорóдичен:

О Тебѣ́ мы хва́лимся, Богороди́тельнице,/ и к Бóгу Тя ймамы Предста́тельство,/ простри́ ру́ку Твою́ необори́мую/ и сокруши́ враги́ Цѣркве Рýсския.

На хвали́тех стихи́ры, глас 4.

Дал еси́ зна́мение/ земли́ Рýсстей, Гóсподи,/ священномученики, уго́дники Твоя, Николаа и Александра,/ я́ко да теми́ умоле́н бывáя,/ отврати́ши пра́ведный Твой гнев,/ и не поги́бнет святáя и боголю́бивая Русь// предста́тельством но́вых страсотѣ́рпец.

Жѣ́ртву хвале́ния прíсно Гóсподеви прино́ся,/ священномученицы Николае и Александре,/ в конѣ́ц самих себѣ́ в жѣ́ртву жи́ву и свя́ту,/ благоуго́дну и соверше́нну предста́вили есте,/ тѣмже вам вѣ́рно вопи́ем:/ благоприя́тны сотвори́те моли́твы на́ша// о благостоя́нии Цѣркве Рýсския.

Предста́тели Цѣркве Рýсския,/ священномученицы Николае и Александре, всехва́льнии,/ вы́ну зрите Ли́це Гóспода на Небесѣ́х,/ не

прéзрите ни едíнаго от мáлых чад ея,/ но рáдостно покая́ние нáше
приимíте/ и моли́те прíсно// сыновóм Россíйским спаст́ся.

Слáва, глас 8.

О, преслáвнаго чудесé!/ Яко крини посреде́ тёрния,/ в страдáниях за
Христá процвéли есте,/ священномúченицы Николае и Александре,/ да не
затмíтся в земл́и нáшея свет Правослáвия/ во откровéние язýком и слáву
наро́да Рýсского./ И ны́не, в селéниях рáйских пребывáете,/ неувядáемо
благоухáете// вéре вашей подража́ющим.

И ны́не, глас и подóбен то́йже:

О, преслáвнаго чудесé!/ Небесé и земл́и Царíца,/ от святýх срóдников
нáших умоля́емая,/ до ны́не зéмлю Рýсскую покрывáет/ и л́ика Своегó
изображéнии м́лостивно обогащáет./ О Влады́чице Держáвная!/ Не
престáни и на бúдущее врéмя/ во утверждéние на Русí Правослáвия//
м́лости и чудесá изливáти до вéка. Амíнь.

Славослóвие вели́кое. И отпу́ст.

НА ЛИТУРЃИИ

Блажéнна от канóна, пёснь 3-я и 6-я.

Прокíмен, глас 7: Честна́ пред Гóсподем// смерть преподóбных Его́.
Стих: Что возда́м Гóсподеви о всех, я́же воздаде́ ми?

Апóстол к Рíмляном, зачáло 99.

Аллилу́ия, глас 2: Свящéнницы Твой облекúтся в правду, и
преподóбнии Твой возра́дуются. Стих: Бог нам Прибéжище и С́ила,
Помóщник в скóрбех, обрётших ны зело́.

Евáнгелие от Лукí, зачáло 106. Конéц: В терпéнии вáшем стяжíte
душá вáша.

Прича́стен: В па́мь вéчную бúдет пра́ведник:

Моли́тва

О, избра́нницы и уго́дницы Христо́вы, священномученицы Нико́лае и Алекса́ндре, Це́ркве Ру́сския столпи непоколебѣмѣи, земли́ на́шея благо́е прозябѣние и кра́сный плод, срóдников ваших предста́тели и наста́вницы! Вы во вре́мя гонѣния безбо́жнаго от сокро́вищниц душ ваших спаси́тельное испове́дание Правосла́вныя ве́ры изне́сли есте, и лю́дем ве́рным па́стыри до́брии яви́лися есте, ду́ши ваша за Христа́ и Его́ о́вцы полага́я и лю́тыя во́лки далѣче отгоня́я. Ны́не у́бо при́зрите на нас, недостóйных чад ваших, умилѣнною душе́ю и сокруше́нным се́рдцем вас призыва́ющих. Умоли́те Го́спода Бо́га, да прости́т согреше́ния на́ша и изба́вит от а́довых уз и ве́чнаго муче́ния. Утверди́те нас в ве́ре святѣй, научи́те нас всегда́ твори́ти во́лю Бо́жию и храни́ти за́поведи церко́вныя. Бۇдете па́стырем на́шим пра́вило ве́ры, вои́ном вожди духо́внии, боля́щим врачѣ изря́днии, печа́льным утѣшителѣе, гонѣ́мым засту́пницы, ю́ным наста́вницы, всем же благосе́рдии и те́плии моли́твенницы, я́ко да моли́твами вашими соблюде́тся в Правосла́вии Свята́я Русь и непреста́нно сла́вится в ней ѿмя Пресвяты́я Тро́ицы, Отца́, и Сы́на, и Свята́го Ду́ха, во ве́ки веко́в. Ами́нь.